



# Izwi loMbhlashe

ISHICILELWE NGUMASIPALA WASEMBHASHE  
ilifa lethu elixabisekileyo liyinkqubela

Ifumaneka  
Simahla  
EyoMnga  
2020



**Okungapakathi  
kulencwadana**

1

Umasipala wase Mbhashe esenza unikezelo Iwesakhwi sabantwana sokufundela iLusizo ECDC kwilali yakuLuvundu kwa wadi 23b kuGatayana.

2

Abafundi bakwisikolo sase Nkitshana SPS



Ababhali nabafoti:



**Asandiswa Velaphi**



**Nozuko Sompethe**

Ushicilelo:

Mbhashe Local Municipality

Le ncwadana ijoliswe kuluntu, yenziwe ngu masipala wengingqi yase Mbhashe, licandelo lezonxibelewano. Kuyakhuthazwa ukuba nidlulise izimvo neengcebiso zenu kumphathi kumphathi wecandelo lezonxibelewano ku masipala wase Mbhashe u T. Bacela.

Ningaqhakamshelana naye kwezi nkukacha zilandelayo:

047 489 5811/ 047 489 5858

Malunga nezinye iinkukacha

Mnu M. Nako

Umlawuli oyintloko kaMasipala

047 489 5800

[www.mbhashemun.gov.za](http://www.mbhashemun.gov.za)

# OKUQULATHIWEYO

**01** 2020 End of the Year Message and Usiba Luka Sositswebhu

**02** Urhulumente wethu unazo iindlebe zokumamela uluntu

**03** Umasipala wase Mbhashe uzifezekisile izithembiso ebeenzile

**04** Umasipala uncedisa abalobi base xhorha

**05** Icrafter's zase mbhashe zifumene inkxaso kumasipala.

**06** Kunikezwa uqequesho koosomashishini base Mbhashe

**07** Kugugothandayo

**08** Kuphuculwa isidima somntwana ontsundu

**09** Umasipala wase Mbhashe ukhuthaza imfundo

**10** Utylelelo luka Sekela Mphathiswa eXhorha

**11** Kuziswa uphuhliso ezilalini

**12** Ulutsha lwase xhorha lubonisa uthando kumdlalo webhola

# INTETHA YOKUVALA KONYAKA KASODOLOPHU



Executive Mayor Cllr Janda

Akukholeleki ukuba ngalomzuzu sekufike ixesa lokuba sijongane neeholide zehlolo, ndlela lena ubuxakeke ngawo lonyaka ka 2020. Kuninzi okuthe kwasehlela kulo mmandla wase Mbhashe kuquka nelizwe liphela, aphi siye sazibona sihlaselwa sisifo esibangelwa yintsholongwane eyi Corona ebulala lonke uluntu kumazwe ngamazwe omhlaba, sishiya iinkedama zingenabani kulo umagada ahlabayo. Nangona kunjalo, siyavuma singumasipala ukuba yonke lento iye yaphembelela ekusileleni ukusa iinkozo kuluntu lommandla wase Mbhashe, ntoloye siye sayenza yaluxanduva lwethu ukubazisa abahlali kwiintlanganiso ebesiye sizibambe singumasipala.

Sisatsho sithi sisazinikele singumasipala wase Mbhashe ekuseni iinkozo eluntwini, ukuze wonke umsebenzi othe wabonakala usilela ubenokwazi ukuggityezelwa. Okwakaloku nje ndifuna ukuzeaka mzekweni ndixelise ilizwe jikelele ze ndicebise ukuba sikhe sithi xha kancinci emisebenzini, sitshayelele elithuba le Krismesi kune neniyibidyhala ngomoya wempathiswano kuthi sonke, ukuze elithuba silisebenzise ukubulela amathamsanqa nentsikelelo esithe sazifumana kophezulu.

Xa sivuyisana ngelixesha lonyaka singabemi beli lomzantsi Afrika sisuka kwiinkalo ngenkalo, ndithanda ukuthaththa elithuba, ndikhumbuze ngokuthamsanqeleka kwethu ngenxa yexesha esiphila kulo aphi siphila ngobunye, ngemvisiswano, ngentando yesinini kwaye sinamalungelo okudibana. Siyathanda kananjalo ukubulela abahlali ngokusigcina sithe qwa kumsebenzi esibekelwe wona wokusa iinkozo kuluntu lwethu. Siyanibulela ngalanta isenza sikuvuyele ukusebenzisana nani ngalo lonke ixesha.

Xa sifikelela kwixesha lokuchitha iiholide zehlolo neentsapho zethu, kutsho kuvokotheke xa kubuyiwe emakhaya sisitya imbadu sichulumancile kukubonana sisaphila. Ndiyafuna ukukhumbuza ukuba singabalibali abo baneentswelo, bangathathi ntweni, abo sebebadala kanye nabo sebe ngenabo abazali. Ndibulela nezigaba zikarhulemente ezithe zaxhassa amakhaya ukuze kubekho uncedo lokutya, indawo zokuhusheka iintloko kanye nayo nantoni na encedisa ukunqanda lobhubhane. Kwabo bazakuthi bhazalala betyelela izihlolo zabo kwiindawo ngeendawo sithi bahlale bephephile ezindleleni kwaye bathobele imigaqo yendlela. Kwabo batyelela kulo mmandla wase Mbhashe, ndithi bamnkelekile zebonwabe.

Xa ndiququmbela mandithathe elithuba lokuthi kubasebenzi abajongene ngqo nale ngxubakaxaka, ndithi mazenethole bantu bakuthi ngokusikhusela kweligongqongqo, kwaye lichileni limnke kwisizwe sakokwethu zekusinde abantu bakuthi. Kuluntu jikelele siyalubongoza sithi masithobele umthetho nemiqathango emiselwe ngurhulumente yokunqanda ulusuleleko nokunwenwa kwalentsholongwane khon'kuze inani lokosuleleka lingandi.

Ndibuye ndithi koceba, iinkokheli zemveli, amagosa aphetheyo nabasebenzi bonke ngobubanzi, libambeni llingatshoni nto zobawo, okwethu kukuguqula impilo zabantu zibengcono kwaye naxa sibuya kufuneka sibhinqe phezulu sizise iinkonzo eluntwini.

Ndingu Sodolophu ndimele ibhunga umaspala woMbhashe, masiyonwabele iKrismesi nonyaka omtsha ozayo ka2021. Siziphathe kakuhle neentsapho zethu sibuye siphelele. **NDIYABULELA**



## USIBA LUKA SOSITWEBHU



Chief Whip Cllr. Sibingibingi

### USIBA LUKA SOTSWEBHU:

Bhotani luntu lwase Mbhashe.

Njengoko nisazi ukuba lengingqi yalapha eMbhashe ikuluhlu lwendawo ezinokuhubekeka nesiko olwaluko kwaMakhwenkwe njengoko epapashile njalo uMongameli welizwe uCyril Ramaphosa, sicela intsebenziswano, n okukhuthazana ngokuthi amakhwenkwe aqale aye eklinikhayokukhangalwa ukuba akulungele na ukwaluka, yaye neMigidi ingabikho.

ENKOSI

# Urhulumente wethu unazo iindlebe zokumamela uluntu

Umbhalu: A.Velaphi

Liyinene elithi urhulumente unazo iindlebe zokumamela uluntu, oku kubonakele kumsitho obubanjwe ngomhlā wamashumi amabini anesithathu kwinyanga yeDwaria (23 October) kwa wadi 02 kwilali yase Ngonyama eDutywa, ngelixa iNkulumbuso yePhondo lase Mpuma Koloni, uMnu Oscar

M a b u y a n e  
e k h a t s h w a  
n g u M p h a t h i s w a  
w e S e b e  
I o k u H I a l i s w a  
k o L u n t u (Human  
Settlement)  
u N o n k q u b e l a  
P i e t e r s ,  
u S o d o l o p h u  
kamasipala wase Mbhashe uCeba  
J a n d a ,  
b e b e t y e l e l e  
kwifama yolutsha  
elima imifuno

ebizwa ngokuba yi Laphumilanga Youth Cooperative, aphi bashiye abahlali kune namalungu eLaphumilanga Youth Co-op encumile, ngelixa bebezimase umsitho wokunikezelwa ngokusisekweni isithuthi iloli (truck) entsha kraça abayithengelwe nguECDC (Eastern Cape Development Corporation) ukuncedisana nalo Kopolotyeni ukuze baghubele phambili kweli phulo labo lokulima. Esisithuthi besikhathswa yitsheki ye R2 100 000 ukuze lokopolotyeni ophantsi kolawulo lolutsha uqhubeke ukufezekisa iimfuno zalo ezinjengokuba bakwazi ukwakha indlu yokugcina izixhobo zokusebenza, umathshini wokuhlamba amazambane (Potato wash), izinto zokunkcenkeshela (irrigation system), ukubhatala ityala lika Eskom, Bore holes, isixhobo sokulima (Repp), into yokutyalu umbona nekhaphetshu, lemalu izakuncedisa naseku bhataleni abasebenzi balefama.

Phakathi kwamaqumrhu namasebe karhulumente ebezimase lomsitho kuquka iOfisi yeNkulubaphathiswa, iSebe loPhuhliso IwezoQoqosh, iSebe loPhuhliso IwaMaphandle, iQumruhlo Phuhliso IwePhondo (ECDC), iArhente Yophuhliso IwaMaphandle (ECRDA), isigqeba solutsha iSouth African Youth Council (SAYC) kwanomasipala wase Mbhashe.

Kwintetha yakhe yosku, iNkulumbuso Utata uMabuyane ubhekise amazwi

enkuthazo kubantu abatsha esithi amandla banawo, ubutyebi nobunewu-newu belizwe lethu buzakuphuma apha emhlaben, ugxininhise wenjenje, abantu abatsha mabohlukane nokufuna imana yenkamnkam, umtu omtsha makasebenzise amandla akhe, kwaye uhlabe ikhwelo kurhulumente esithi urhulumente makabe nendlebe namehlo khona ukuze akwazi ukuncedisana nabo banxanelwe uncedo.

USodolophu wase Mbhashe, uCeba Janda ugale intetha yakhe esithi, "Io kopolotyeni ngowabantu abatsha esathi saqala ukusebenzisana nawo ukusuka ngonyaka ka2016, sabiza lonke ulutsha ngo 2016 sizama ukujonga ukuba ngeyiphi indlela abanokwenza ngayo bengumasipala khona ukuze bancede ulutsha lukwazi ukudala amathuba emisebenzi njengoko umasipala ingomnye woomasipala abanenani eliphezulu kubantu abanentswela

misebenzi.

K w a y e  
k w a v u n y e l w  
a n a k w i n t o  
y o k u b a i -  
S A Y C  
m a y i s e b e n z  
i s a n e  
n o l u t s h a  
I w a s e  
M b a s h e  
k h o n a  
u k u z e  
b a q o k e l e  
z o n k e  
i i p r o j e k t h i

ezibonakala ukuba zingenza igalelo ekunciphiseni inani labantu abatsha abangaphangeliyo. Silapha namhlanje singu masipala emva kokuba siyibonile le Co-op iqqua kuthi ezi ofisini iyocela uncedo ikwazibeka nezinto ethe yabe iyazenja ngelixa ibisalinde olucedo kurhulumente kune nomasipala, izinto ezifana nomhlaba aphi bebechaza ukuba sebequalile ukuwunikwa luluntu. Baye bayichaza imeko yokusilela kwizinto ezinjengokuba kubekho unkencceshelo, umasipala ezinye vezinto azenzileyo kukuqinisekisa ukuba kwembiwa "bore holes" kutsalwa amanzi phantsi komhlaba, bencediswa nangezithole khona ukuze bakwazi ukuba neqalo kulento babeyizama. Enye yezinto athe wabancedisa kuyo umasipala kukubanxibeletana namanye amaziko kune namasebe aseburhulumenten khona ukuze bakwazi ukufumana enye inkxaso".

USodolophu uye waluncoma olu lutsha esithi banebhongo kakhulu ngalo kwaye baziva bechulumancile bengumasipala wase Mbhashe kuba olulutsha luye Iwabonakala inkuthalo nokuzingca ngalentu bayenzayo yokulima.

u S o d o l o p h u u b a c h a z e e s i t h i  
b a n g a b a n t w a n a a b a n e b h o n g o a b a k w a z i y o  
n o k u b o n a k a l i s a u t h a k a z e l e l o x a b e t h e  
b a n i k w a u n c e d o , b a n e b h o n g o n g a b o k w a y e  
a b a b i n a z o n e e n t l o n i z o k u t h e t h a n g o l u  
l u t s h a n o k u b a n x i b e l a n i s a n a b a n y e  
a b a n t u .

Uye wagqibezela intetha yakhe esithi zinanzi iintsika zokuqala ushishino ngaphandle kwezolimo kwaye bayayinikwa inkxaso nangu rhulumente wePhondo. Uthe bayalukhuza ulutsha Iwase Mbhashe ukuba Iuzimisele nakwezinye iiprojekthi oluzenzayo kuba akho amathuba nangaphaya kwezolimo, kodwa abaninzi abaqqa kwamasipala abafuna uncedo ngabantu ababhekiselelene kwizinto ezijongene nezolimo.

Usihlalo we-Laphumilanga Co-op uMnu Luntu Menese ugale intetha yakhe, esithi balulutsha oluzibiza iLaphumilanga Agricultural Cooperative, uqhubeleke nentetha yakhe ebabaza inkxaso abathe bayifumana kumasipala wase Mbhashe, kwisebe leZolimo, kwi Ofisi yeNkulumbuso, i-ECDC kwakunye noSocial Development, uqhubeleke wenjenje, "saqala Io kopolotyeni ngenxa yokuswela imisebenzi, saze sathetha neNkosi kune nabahlali ukuba basithengisele iigadi zabo ngenjongo zokufuna ukuvula amathuba emisebenzi kulutsha oluhlala ezilalini ngokuthi bazibandakanye kukopolotyeni wokuvuna . Bekungelulanga ukuqala kwethu Io kopolotyeni, mininzi imicelimingi esithe sadibana nayo, kodwa xa kunje namhlanje ingathi lipupha kuthi. Sinomhlaba ongange 18 hecas, sinesivumelwano sekhonkrathi neevenkile zase Dutywa, ezinjengoo Superspar, Mpumalanga, Spar, Boxer, Madyasi kune neGumbela fruit and Vegetable. Ngokufumana kwethu Ieloli noko umsebenzi wethu uzakutsho ubelula, kwaye isivuno sethu sizakufika kwangethuba ezivenkileni. Le Coop ithembise urhulumente ukuba kusekude aphi ijonge khona kuba bafuna ukuvula uFruit and Veg ezakubizwa ngegama labo apha edolophini eDutywa, ithi kelonto kusezakuvuleleka amanye amathuba emisebenzi. "Yigolide yethu lena kwaye asijiki, asiyindawo sibheka phambili", uthethe watsho umnu Menese.

**Inkulumbaso Oscar Mabuyane,  
UMphathiswa weSebe wokuhlaliswa  
koluntu umamu Nonkqubela Pieters,  
uSodolophu wase Mbhashe uCeba Janda  
kune namalunge we Laphumilanga Coop.**



# Umasipala wase Mbhashe uzifezekisile izithembiso ebezenzile

Umbhalo: A.Velaphi

Bekusindwe ngobethole kwa wadi 23 kuGatyana ngelixa umasipala wase Mbhashe ubesenza umsebenzi wokunikezelwa kwendlela kanye nezikolo kufundela abantwana i-Early Childhood Development Centre (ECDC). Olu nikelizo belusenzeka ngomhla wokuqala kweye Dwarha (01 October 2020) kwilali yaku Mgwebi nakwilali yaku Luvundu. Abathe babayinxalenyi liSebe loPhuhliso loLuntu kanye neSebe lezeMfundu, Obembele uSodolophu uCeba Mazola Mbomvu ongu Portfolio Head wakwa Community Services ubenikezelwa ngokusesikweni unokhonkraka ozokwenza uphase 2 wendlela iKwayimani Access Road kwilali yaku Mgwebi. Kwakule wadi (23) bekuwanikezelwa ngokusesikweni ngezikolo kufundisela abantwana elibizwa ngokuba yiLusizo Early Childhood Development Centre (ECDC) kwilali yaku Luvundu kuGatyana.

Umasipala wase Mbhashe ubhinje omfutshane ngokuthi qqolo ukusa iinkonzo eluntwini, oku kuye kwabonakala ngelixa icandelo lokuziswa kweenkonzo ngokuphathelele kwiziseko zokuqala (Infrastructure services) elikhokhelwa nguCeba Mcotsho ongu Portiflio Head kwa

Infrastructure baye bakwazi ukufezekisa injongo yabo yokwenza indlela nokwakha izikolokufundela abantwana. Uceba Mbomvu ugale intetho yakhe ebulela uluntu n g o k u t h i l u p h u m e ngobuninzi balo luzokubona umsebenzi omhle owenziwa ngumasipala wase Mbhashe khona ukuze bakungqine abakubonileyo. Uceba Mbomvu uye wacacisela uluntu ukuba basuka nayophi into yokuba bancedise ukwakha amaziko wabantwana okufundela. "Ngonyaka ka 2016 umasipala wazinika uxanduva lokuthengela abantwana izinto zokudlala (toys), waze wabona ukuba oko akwanelanga. Ngonyaka ka 2019 waye wajongwa ukuba makakhele abantwana izakhiwo zokufundela, khona ukuze bafundele endaweni ekhuselkileyo. Injongo yoku kukuhangela isidima esizakuthi sihlale ebantwaneni sokuba bafundela kwisakiwo esakiwiwengurhulumente esisemgangathweni".

Uceba Mbomvu uye wagqibezela intetho yakhe ekhuthaza abafundi esithi sikhulisa imiqqeku kwaye siyikhulisa sijonge kumgqalelo esiwufumana ngumqako siseko wase Mzantsi Afrika, othi wonke umntwana unelungelo lokuba afunde (Every child have a right to education), wonke umntwana unelungelo lesidima sobuntu (Every child have a right to human dignity). Kwaye xabekhulisa le migqeku bayikhulisela into yokuba bakwazi ukuphucula imeko yabo yokuphila, bakwazi ukuhlumisa nokuphucula isizwe. Ukhuthaze abazali nootishala ukuba baqiniseke ngokuxhonkxa abantwana ngemfundo kuba isizwe esingafundanga siyatshabalala,



Umasipala wase Mbhashe esenza unikezelo Iwesakhwi sabantwana sokufundela iLusizo ECDC kwilali yakuLuvundu kwa wadi 23b kuGatyana.

isizwe esingazimisela kwimfundu sisizwe esingenambono, sisizwe esingakwazi nokuthatha iziggibo kwaye sisizwe esingakwazi nokunyaniseka.

Kungako ke kufuneka abantwana bahlalebekhuthazwa ngokuba bafunde baye esikolweni khona ukuze isizwe siphuhliseke. Umnu Mgoqi ophuma kwiSebe lezeMfunduojongene neECDC's zase Mbhashe uye wabulela umasipala wase Mbhashe ngokuba axhase amabanga aphantsi, uthelento eyenziwa ngumasipala wase Mbhashe yafika yaba yinto entsha kwi Phondo, into engazange yabonwa ngaphambili. Umnu Mgoqi uye wagxininisa kwinto ethi umasipala wase Mbhashe, ngumasipala obakhathalelayo abantu bawo kwaye bayayibulela kakhulu lonto. Uye wakhuthaza umasipala ukuba baqhubeke bewenza lo m se benzi umhle wokukhathalelamabanga aphantsi.



Iwakhiwo iLusizo ECDC



## Umasipala Uncedisa Abalobi Base Xhorha

Umbhalu: N.Sompethe

Ngomhla wesine kwinyanga yeNkanga kulo umiyo umasipala ubutelele kwa wadi 19 eXhorha kwiHolo yaseMpame aphi bekuyokanekezelwa ngezixhobo zokuloba kabalobi baseXhorha ncakasana kwa wadi 19.

Iofisi yakwa masipala neyofisi ejongene nezoqoqosho/nokuphuhlisa uqoqosho Iwase Mbhashe ebizwa iLocal Economic Development iLED ngamafutshane, yifisi umntu anokuthi ancedakale kuyo xa efuna ukuvula ishishini nokuba loluphi na uhlobo Iweshishini, kodwa ibe ilishishini elisemthethweni. Kula ofisi osomashishini bayalufumana uqequesho kwiindlela zokulawula ishishini, oosomashishini abasakhasayo bayakwazi ukufumana inkaso ngokwemali, amafama ayakwazi ukuthengelwa amayeza emfuyo nezithole zokutyalu. Kwakule ofisi iyakwazi ukukuthengela izinto zeprojekthi ezifana nezixhobo zokusebenza ukuze nikwazi ukwenza lonto niyenzayo kulo projekthi yenu.

Ngalemini umasipala ubeyokunikezelwa ngezixhobo zokuloba kabalobi bakwa wadi 19 eMpame abaphuma kwezi lali i-Mdikane, i-Lubanzi, i-Nqakanqa kwakunye neManzimnyama. Abalobi bezilali baye bafumana oku kulandelayo:

1. Loonis wave runner 13 FT 3.5 OZ ROD 2PC-eziyi 26
2. Grinder 4X30 OLB/13.6 KG 0,25 mm/ yellow eziyi 30
3. 3OZ 10PC tear drop Sinkers eziyi 51
4. Crayfish bag oreo eziyi 30
5. 4/0 922471oPC Mutard eziyi 300
6. Bigboss 600 III real ovex eziyi 60
7. Crayfish gloves rubber bottom eziyi 30.



Ukusuka ngasekhohlo: UCeba Mantshiyose, uCeba Livi kwakunye noSodolophu wase Mbhashe uCeba Janda bekunye nabalobi base Mpame

USodolophu kamasipala wase Mbhashe ute bayazingca kakhulu bengumasipala ngokufaka isandla ekuncediseni abo babonakala bezizamela ekuphuculeni ubomi babo, babe bengajonganga kurhulumente koko bacele nje inkxaso aphi bahlulakala khona.

Usodolophu ukuuthaze abalobi esithi, mabathi gqolo ukusebenzia iofisi zakwamasipala xabefuna uncedo kuba amagosa akwamasipala, afanele ukubanedisu kwimfuno zabu bengabahlali, kwaye umasipala xa yena engakwazi ukukuneda uyakwazi ukudlala indima yokuba ngumququzeleli akuse/akugqithisele kumasebe okanye kwinkampani ezingakwazi ukukundeda.



Amalungu eSiluthando Crafters Project

## Icrafter's Zase Mbhashe Zifumene Inkxaso Kumasisipala

Umbhalo: N.Sompetho

U m a s i p a l a w a s e M b h a s h e unesicwangciso-nkqubo asibiza ngokuba yiIDP, nethi ibesisikhokhelo kwizinto ekufuneka umasipala ezenzile ukusa iinkonzo eluntwini. Ngomhla weshumi elinesixhenxe kwinyanga yeNkanga kulo umiyo umasipala wase Mbhashe ubuyo kunikezela ngezixhobo zokuthunga kubathungi baseXhorha kwa wadi 13 edolophini eXhorha nakwa wadi 17 kwilali yakuManzi eXhorha. Abaxhamli bolunikekelo ngabathungi ababizwa ngokuba ziCrafters nabathi bathunge okanye benze izinto sezandla ezinokuthi zithengiseke ukuze bakwazi ukugxotha ikati eziko, abathe baxhamla yiSiluthando Crafters Project kune neSiphamandla Crafters Project.

Iofisi yakwa masipala neyofisi ejongene nezoqoqosho/nokupuhlisa uqoqosho Iwase Mbhashe ebizwa iLocal Economic Development iLED ngamafutshane, yi-ofisi umntu anokuthi ancedakale kuyo xa efuna ukuvula ishishini nokuba loluphi na uhlobo Iweshishini, kodwa ibe ilishishini elisemthethweni.

Kula ofisi osomashishini bayalufumana uqequesho ngendlela zokulawula amashishini abo, bafumana nengcebiso zokugcina ishishini lisenza ingeniso, oosomashishini abasakhasayo bayakwazi ukufumana inkxaso ngokwemali, amafama ayakwazi ukuthengelwa amayeza emfuyo nezithole zokutyalu.

Kwakule ofisi uyakwazi ukuthengelwa izinto zeprojekthi yakho ezifana nezixhobo zokusebenza ukuze nikwazi ukwenza lonto niyenzayo kulo projekthi yenu.

Ezi crafters bezifumana ezizinto, ziye zabhalela kwamasipala zicela izinto ezinomdla wokuba umasipala azincedise kuzo. Zombini ezicrafters ziye zafumana iimashini ezine zokuthunga impahla, amalaphu amathathu abubude buzimitha ezintlanu ombhaco ayimibala eyahlukeneyo, izikere ezisixhennxe, iirhali zokuthunga kwakunye ne measuring tapes.



Amalungu eSiphamandla Crafters Project



Oosomashishini bebonakalisa umda kuqequesho abalufumanayo

## Kunikezwa uqequesho koosomashishini base Mbhashe

Umbhalo: A.Velaphi

Umasipala wase Mbhashe ebambisene nesebe Iakwa Eastern Cape Development Corporation (ECDC), bebebambe uqequesho loosomashishini abasakhasayo base Mbhashe iintsuku ezintathu. Olu qequesho luqalwe ngomhla wamamashumi amabini anesixhenxe ukuya ngomhla wamashumi amabini anethoba kwinyanga yoMsintsi 2020 (27-29 September 2020), oluqequesho belubanjewle kwiholo kamasipala i-TRC, e Dutywa. Oosomashishini ebebeyinxalenye yoluqequesho bebengamashumi amathathu, bephuma kwiidolphu zontathu zase Mbhashe.

Injongo yoluqequesho ibikukukhulisa osomashishini balapha ekuhlaleni (Mbhashe) ukuze bakwazi ukuthatha inxaxheba kwiziniki maxabiso zika masipala wase Mbhashe zingasoloko zifunyanwa ngoosomashishini bezinye indawo.

Oluqequesho Iwalugxile kwezi zigaba zilandelayo:

- Ukwazi ncakasana ukuba yintoni isiniki maxabiso
- Indlela esenziwa ngayo isiniki maxabiso
- Ukugcwalisa amaphepha esiniki maxabiso
- Ekuxabiseni (Costing and Pricing)
- Kwintlobo-Ntlobo zeziniki maxabiso

Ukuze kube kanti kubanja oluqequesho umasipala wase Mbhashe usabele ikhwelo eliska koosomashishini abasakhasayo xa bebekhalaza bevakalisa ukungaxhamli kwabo kwiziniki maxabiso zalapha kwamasipala, kuba bebona ngokungathi kuxhamla abantu bezinye iindawo okanye kungabikho mntu ufumanekayo ukwenza loomsebenzi uphele ujika loomsebenzi uqalelw (re-advert).

Oosomashishini baye balivuyela ukulifumana ithuba elinjengeli



Umnu Velelo ophuma kwinkampani yase Dawson Consulting enika uqequesho koosomashishini base Mbhashe.



Omakhulu abaphuma kwi Vukasizwe Service Center, bephethe izipho zabo

## Kugugothandayo

Umbhali: N.Sompethe

Ngomhla wamashumi amabini anesixhenxe kwinyanga yeDwarha kulo umiyo, umasipala wase Mbhashe ebambisene neSebe IezoLonwabo ezoBugcisa neNkcubeko kwiSithili sase Amathole, bebebambe umsitho aphi elisebe belinikezela ngezixhobo zokuthunga kwakunye nezokuzivocavoca, kubantu abadala abaphuma kwii Service Centers zase Mbhashe, ezi centers bezizokulizwa zezi, i-Sikhokheli Service Center, i-Zanokhanyo Service Center, i-Vukani Service Center kwakunye ne Vukasizwe Service Center. Lomsitho ubuququzelelwa yiofisi yakwa Special Programmes Unit (SPU-neyi ofisi eququzelela intlalakahle kubantu abaphila nokukhubazeka, ulutsha kwakunye nabantu abadala), apha kwamasipala. Le- ofisi iye yafumana uluhlu Iwezinto ezi service centers ebezicele ukuncendiswa ngazo, ze le-ofisi yaphathelela ukuqinisekisa ukuba iyancedisa kwizicelo ezifikileyo kwamasipala.

Unkosikazi Nangamso Mjekwa ophuma kwiSebe IezoLonwabo kwezoBugcisa neNkcubeko kwiSithili sase Amathole uthe kuluvuyo kubo beliSebe ukuba babe bayawazi ukwenza lomsitho namhlanje, esitsho esithi apha bazokonwaba nabantu

abadala, nanjengokuba sisazi ukuba usuku lokuqala kwinyanga yeDwarha lusuku olwabekelwa bucala ukuba ibelusuku aphi kubhiyozelwa khona abantu abadala.

Unkosikazi Mjekwa uthe beleli Sebe baye babona ukuba bakhona abantu eseletekhulile abazimiseleyo kwezemidlalo nasekwenzeni izinto zezandla, ngoko ke beleli Sebe baye babona ukuba mababombese ngalenyanga yokubukwa kwabantu abadala.

Unkosikazi Mjekwa uqhube wathi beliSebe baye baqonda ukuba mabakhangele kwezi Service Centers ezenziwa liSebe Lophuhliso Loluntu, ukuba bangancedisana njani nabo,

kulapho ke baye bafumanisa ukuba zinini noke iService Centers ezifumana inkxaso kwiSebe Lophuhliso Loluntu, ntoloye eye yabakhokhela ekubeni bajonge kwezi zingafumani nkxaso ndawo ukuze baxhase zona.

Uceba Ngomthi obemele indawo kaSodolophu kamaspala wase Mbhashe uye wabulela elisebe ngokuthi likwazi ukukhumbula abantu abadala base Mbhashe xaliphisa ngezipho kubantu abadala, ebulela esithi lento yenziwa lelisebe izakubakhuthaza kakhulu abantu abadala abaphuma kwezi Service Centers na bo bazotsho babone ukuba urhulumente ubakhathalele.



Uceba Ngomthi ekunye noMnu Mjebenza ophuma kwiSebe Lophuhliso Loluntu benikezela ngezipho

# Kuphuculwa isidima somntwana ontsundu

Umbhalu: A.Velaphi

Umasipala wase Mbhashe utho gqolo nokujongana neemfuno zoluntu Iwalo masipala nokubonisa inkathalo, kuba kuthe ngomhla wesihlanu nangomhla wesithandathu kweye Nkanga (5-6 November) umasipala wase Mbhashe kwiCandelo le Special Programs Unit (SPU) ebambisene nomzi wogcino mali ibhanki engu Ubanks baghuba inkqubo yonikezelo lwe "Sanitary Towels kunye ne Hygiene Packs" kwizikolo ezimbini zase Mbhashe. Bebetyelele kwa wadi 13 kwisikolo sase River View SPS kwilali yakuNongathi eXhorha nakwisikolo sase sase Enoch Mamba Senior Secondary and Technical Institute, kwa wadi 6 kwilali yase Lota eDutywa.

Olu Nikezelo belusensiwa ngenjongo yokubuyisa isidima sabantwana abangamtombazana kunye nakabo bangabakhwenkwe ngokuba banikezwe izinto zokuthambisa (Roll-on, Dawn, Colgate), itawuli yokuhlamba, isepha kunye neziqoshelisi zangaphantsi zamantombazana (Pads).

Umn Dlamini ongu Regional Manager kwiPhondo lase Mpuma Koloni uye wathetha nabafundi, enikeza injongo yokuba babe phakathi kwaboo besisigqeba sase Ubanks. "Eli phulo lokuba niziselwe ezi zinto kukukhuthaza nokuphakamisa izinga lezemfundo, bakhona abantwana abangakwaziyo ukuya esikolweni ngenxa yokuba kukho izidingo abanazo abangakwaziyo ukufikelela kuzo. "Thina singumzi wase Ubanks siqonde ukuba umasipala wase Mbhashe xa enenqubo ezikumila kunje masenze indlela yokuba sisebenzisane naye umasipala khona ukuze sikhazi ukukhawulelana nezo zidingo zabantwana. Sizokunikhuthaza ezifundweni zenu, sizokubuyisa kwanesidima senu kuba xa ucoekile phakathi kwabanye abafundi lonto iye ikunike isidima kwanokuzithembu". Uqhubekele ekhuthaza abafundi ukuba bazimisele esikolweni khona ukuze bazokuba nekamva eliqaqambileyo. Obebambale uSodolophu wase Mbhashe, uCeba Ngomthi esoxwathisa abafundi, kananjalo ekwabakhuthaza ngokubaluleka kwemfundo uthethe



Unikezelo lwe sanitary towels kunye ne Hygiene packs kwisikolo sase River View kwa wadi 13, kwilali yakuNongathi eXhorha.



Unikezelo lwe sanitary towels and Hygiene packs kwisikolo sase Enoch Mamba Senior Secondary and Technical Institute, kwa wadi 6, kwilali yase Lota eDutywa

wenjenje "kabalulekile ukuba abantwana bazimisele esikolweni kuba imfundo ibalulekile kwaye ngaphandle kwemfundo akukho apho umntu angaya khona. Uqhubelele wathi ningabafundi nijonge kwixesha leemviwo, umntu uzovuna ebekulimile kodwa lovo othe akaphumelela aze angapheli mandla koko avuke azivuthulule.

Uggibezele ngelokukhuthaza abafundi ukuba bazimisele esikolweni ukuze batshintshe imo yakomawabo, umntu enze lento anqwenela ukuba ibekhona kokwabo ifumanek. "Masifundeni, sikhuthalele ukujonga iincwadi zethu, ixesha lokudlala liphelile kungenjalo ukuba awuzimiselanga lizokuphalala lIkamva lAkho. Mntu omnyama vuka emaqanden i ngaphandle kwesikolo akukho apho siya khona", uthethe watsho uCeba Ngomthi.

Inqununu yesikolo sase Enoch Mamba Senior Secondary and Technical Institute, neQununu yesikolo sase River View, baye benza amazwi amakhulu ombulelo kumzi wase Ubanks nakumasipala wase Mbhashe kuba bathe baba zezinye zezikolo zase Mbhashe ezithe zaxhamla. Bazibone bexabisikile, lento yenzekileyo izakuhlala iseziimbali kubafundi.

Abfundi baye bazibona bebalulekile, bengothandiwe besemgangathweni ngokuthi kwensiwe iinzima ezingaka zokuba baxhamle.

# Umasipala wase Mbhashe ukhuthaza imfundo

Umbhalo: A.Velaphi

Umasipala wase Mbhashe ebambisene nenkampani iHolistic Technical Business Consulting (HTB Consulting), bebeqhuba inkqubo yokwenza unikezelo lwe yunifomu (uniform) ngomhla weshumi elinethoba nangomhla wamashumi amabini kweye Nkanga 2020 (19-20 November 2020) kwa wadi 20 eXhorha kwilali yase Mount Pleasant, ze yaggityezelwa eDutywa eCouncil Chambers. Izikolo ezithe zaxhamla sisikolo sase Zwelebango SPS, Nkitshana SPS, Mbhashe SPS ne No-Holland SPS, apho bekuye kwaxhamla abafundi abangamashumi amabini anesixhenxe bebonke.

Injongo yoku kungenxa yokuba abanye abantwana baswele kakhulu, lonto yenxa ukuba bohluke kwabanye ngenxa yokungabinayo kakuhle iyunifomu kuba abafundi bephuma kumakhaya ngamakhaya. Iyunifomu sisazisi kuba iyakubonakalisa ukuba uphantsi kwsiphi isikolo. Bekusensiwa olu nikeselo ngenxa yokunika umntwana omnyama isidima nokuzithembwa, kukwazalisekisa iphupha lokuba abantwana bafane nabanye ukuze nabo bazibone beyinxalenye yabantwana ekufuneka befundile khona ukuze babe ziinkokheli zangomso.

Usodolophu wase Mbhashe, uCeba Janda uye wakhuthaza abantwana besikolo ngelixa ebesenza unikezelo lwe yunifomu (uniform),



Abafundu bakwisisiko sase Nkitshana SPS

"namhlanje sizokuninika ithemba lokokuba niyitshintshe imeko yakoma wenu ngokuthi nizimisele esikolweni. Ngokwenza lento siyenzayo, siyakhulisa sityala imithi, le mithi siyiyatalayo singangayihlali imithunzi yayo. Umhlabi ongenamgqeku awunalo Ikamva, sakha Ikamva kwababantu, sakha imithunzi yangomso kwababantu. Sizokwakha ithemba, sizokuniqinisa ukuba nifunde nizimisele esikolweni kuba isimo esikuso selizwe sizakutshintshwa nini, iimeko zakomakwenuzizakutshintshwanini".


Usodolophu uqhube intetha yakhe ebulela uCeba Sitwayi, ngokuba ahlale emele iingxaki zabantu bakwa wadi 20, njengoko wayezibophelele ukuba uzokwenza njalo ngelixa wayebekwa luluntu esihlalweni. Utte balapha namhlanje ngenxa yalomigushozo kaCeba, wabulela naku Mnu Mzolo Tembelo ongumphathi wale nkampani i-HTB Consulting kuba kuziswe iyunifomu ngenxa yoncedo Iwakhe nangokuthi bakwazi ukuhlangabezana neengxaki abajongene nazo bengu masipala, lonto iyabonakalisa ukuba urhulumente eyedwaakanokwazi

ukumelana nezinto zonke kuba iimfuno zabantu zininzi, kungako kufuneka kubekho intsebenziswano phakathi kuka r h u l u m e n t e n a b a n t u abangosomashishini.

Umnu Mhambi ophuma kwiSebe lezeMfundu ongumhholi uye wanika intetha yakhe yosuku esithi, isizwe esingabakhathalelanga abantwana akufanelanga ukuba sibe nekamva, ukuze isizwe sibe nekamva eliqaqambleyo kufuneka isizwe sijonge abantu abangabanikazi bekamva kuba ingomso lethu lisezandleni zabantwana. Uqhube intetha yakhe esithi, umntwana xa ekhula akayazi into ayiphathiswe nguThixo esandleni sakhe kodwa nawuphi na umntwana ikhona into ebekwe nguThixo kwisandla sakhe. Kubalulekile ukuba Iujongwe ulutsha, a bazali nabo banoxanduva lokuqinisekisa ukuba abantwana bayaya esikolweni ngalo lonke ixesa. Umnu Mhambi uye wancoma umasipala wase Mbhashe esithi banebhongo elikhulu ngaye kuba ezinye zezinto ezenziwa ngumasipala uye azive kunomathotholo, xa uSodolophu echaza izinto abazenzileyo bengu masipala. "Siyabulela kakhulu kurhulumente wethu, urhulumente ojongene nezidingo zabantu", uthethe watsho umnu Mhambi



Umfundu wase Zwelebango SPS echulumancile ngokufumana iyunifomu.



Usodolophu wase Mbhashe uCeba Janda exhibibisa umfundu isihlangu esitsha sesikolo

# Utyelelo luka Sekela Mphathiswa eXhorha

Umbhalu: A.Velaphi

Umasipala wase Mbhashe ubumanxadanxa usisa iinkonzo eluntwini Iwase Xhorha kwa wadi 17 kwilali yase Lower Bufumba ngomhla weshumi elinesibhozo kwinyanga yeNkanga ( 18 November 2020), a pho u Sekela Mphathiswa wakwa Human Settlements, Water and Sanitation u Pamela Tshwete ekunye negqiza lakhe, bebesenza unikezelo Iwezithole eziyi 12 000, ze Khaphetshu, isipinatshi, itswele kune nebeetroot. Kwenziwa nonikezelo Iwezipho zokutya kubantu abalikhulu. Umasipala wase Mbhashe ubeyinxalenye yolunikezel. Kubantu abebekhona singabalula u Sekela Sodolophu kamasipala wase Amathole u Ceba Nxawe, iOfisi ka Sodolophu wase Mbhashe, u Somlomo webhunga u Ceba Majavu, i Sabhokwe sehubga u Ceba Sibingibingi kune negqiza labo lase Mbhashe ooCeba, ooCDWs kune noo wadi komiti.

Usekela Mphathiswa ebezokusabela izinto ezifunwa ngabantu bale wadi, izinto ezifunwa ngamanina ale ndawo. Uthethe nabahlali esithi unikiwe uxwebhu Iwezinto ezifunwa ngabahlali kwaye iingxaki zale ndawo uzibambe zonke kwaye ezingxaki uzakuzigqithisa kubantu abamele ukuba bayancedisa. Uqhubekeke wathi wabizwa yintombi yakwa Tshezi kumsebenzi



Usekela Mphathiswa umamu uTshwete, uSekela Sodolophu wase Amathole uCeba Nxawe kune nomasipala wase Mbhashe besenza unikezelo Iwezithole

awayewenzelwa, ngelishwa azange akwazi ukuphumelela, kodwa bakhala kuye bengomama belali besithi abasebenzi kwaye inkam-nkam yabantwana ayizonezi iimfuno zabo kuba incinci le mali. Baye badandalazisa izinto abazicelayo, becele

izithole khona ukuze bakwazi ukulima bagxotho ikanti eziko, bafuna neenkukhu, kwafika nomama obakhayo besithi bafuna ukuqequesha ulutsha ukwenza izitena khona ukuze kungacingwa ukuba umsebenzi wekwenza izitena yinto yotata kuphela. Uye wakhuthaza into yokuba imisebenzi mayize ezilalini ulutsha luyasokola kakhulu kwaye bekwezindawo abakuzo bavotelwa ngabantu abasezilalini.

Uggibezele intetha yakhe esithi uxelelw nangesikolo esinesakhiwo esiwayo, esakhiwo ngo1936, i Lower Bufumba SPS, wathetha wenjenje "Imali ikhona apha

ePhondweni ndiyizisile imali, asoze sibe nesikolo esinjeya, xa ndidibene nogxa bam ndizokubagqithisela lemeko yesisikolo kuba ziintloni, abantwana bangadilikelwa sesisakhiwo kulemeko sikuyo. Utata u Mandela kwakungekho nto awayeyixabise njenge mfundo, wayengayifuni into yokuba abantwana bangakhathalelw, uye waya e Robben island iminyaka engamashumi amabini anesixhenxe kuba wayefuna ukutshintsha ubomi babantu", Uthethe watsho u Sekela Mphathiswa.

Usomlomo webhunga wase Mbhashe u Ceba Majavu, uye wakhuthaza amanina ukuba bazivulele ookopolotyeni khona ukuze basuse ikati eziko. Kwantetha yakhe ephambili uye wagxininisa nento yokuba bangakwazi nokwenza izitena kuba ayonto eyenziwa ngabantu abangootata kuphela. Ukwakhuthaze nolutsha Iwalendawo ukuba Iuvuke emaqandeni, Iuphakame Iuzenzele kuba urhulumente uyabaxhasa ookolotyeni.



Unikezelo lokutya kubantu abalikhulu

# Kuziswa uphuhliso ezilalini

Umbhalo: A.Velaphi

Bekumbenje-mbenje kunxitywe izivatho zesixhosa kwilali yase Fort-Malan (Ntshatshongo) kwa wadi 27 kuGatyana, ngomhla weshumi elinesihlanu kwinyanga yeNkanga (15 November 2020) apho kuye kwagaleleka inkampani ebizwa ngokuba yi Port Eliz Media Movie Production (PE Media Production). Le nkampani yasungulwa ngonyaka ka 2016, nalapho baqala ukavelisa imiboniso bhanyabhanja eliqela enjengo "Should I still forgive him" kune neminye. Ngokunyathela kwayo kulo mhlabo wakuGatyana kuzakuvuleka amathuba emisebenzi kubantu base Mbhashe abanetalente yokuba ngabadlali beqonga kuba le nkampani ibizokwenza uchongo (Auditions) kubantu abangaba yinxaleny yomboniso bhanyabhanja ozakuthi uveliswe okanye ushuthwe obizwa ngokuba yi "Traditional Movie", iminyaka yabantu ekugxilwe ukuthathwa kuyo ilishumi ukuya kumashumi amathandathu anesihlanu eminyaka (10-65 year).

Injongo yokuveliswa kwalo mboniso bhanyabhanja kukufuna ukuphuhlisa intalente yabantu base Mbhashe ukuze abantu bayeke ukuya komarhawuti beyokukhangela amathuba okuphuhlisa intalente zabo, kuba uninzi Iwabantu Iuyaxhatshazwa komarhawuti, zeluphinde Iungabonelewa ngee mfanelo ezibalingenoyo kumsebenzi abawenzileyo. UMnu Theo ophuma ePE Media Production ongu Somlomo wale nkampani, utha bazakuthatha abalinganiswa abaninzi kuquka iimbongi, ababhexeshi, ababhoxi kune neeNkosi. Ukuveliswa kwalo mboniso bhanyabhanja kuzakuqala kwinyanga yoMnga kulonyaka ka 2020.



Iqembo elithe langenelela uchongo lokuba ngabadlali beqonga

Umnu Theo uye waqinisekisa ngento yokokuba bazokwenza utshintsho kwabo bathe baluphumelela uchongo, bazokuqinisekisa ukuba intalente yabo baya yipuhlisana nangen goko bezokukhangela abo balangazelela ukuphuhlisa intalente yabo. Uye wagxinisa kwinto ethi abazangokhangela abona bantu bagqamileyo kodwa bazokukhetha abo banomnqweno wokuphuhlisa intalente yabo.

Umamu Bikitsa uye wagadleta ngamandla kwintetha yakhe esithi bengumzi wase Ntshatshongo bazakubambisana nale nkampani khona ukuze lo mboniso bhanyabhanja uzokwenziwa kulo mhlabo uphumelele. Uqinisekise esithi abazukulala, baza kuseenza nzima kwaye bazokuzinikela kule nyweba abayiziselwe liqela lase Port Elizs. Uye wabonakalisa uchulumanco kuba kuzakuphuhliseka iintalente zabantu base Ntshatshongo kwaye eli thuba Iizakugxotha ikati eziko kwimizi eminanzi utshilo. Uthetheebhekisa nakubantwana abangamantombazana ukuba bazingce ngesintu sabo, bazithande, bazikhwebule kwimikhuba engalunganga. Uggibezele intetha yakhe esithi bayamcela urhulumente ukuba ezikolweni ibekhona imidlalo yeqonga, imidaniso khona ukuze abantwana bayiphuhlise besebancinci

Usodolophu wase Mbhashe uye wenza amazwi wenkuthazo esithi, "xa kuqhutyekwa kudlalwa imiboniso bhanyabhanja ngokobume bethu balapha, lonto izokwazi ukuvuselela ubuntu bethu ize ibonakalise nakanjalo ukuba abantu babephila njani. Lento yemiboniso bhanyabhanja iyindlela yokubonisa isizukulwana esilandelayo ukuba mandulo kwakuhlalwa, kuphilwa kanjani". Uqhubo intetha yakhe esithi bayalivuyela kakhulu elithuba linje kuba baxakene nentswelo misebenzi, kwaye baxakene nendlala, "Esinye sezixhobo esinokwazi ukusisebenzisa ukujika eso simo kukuba sikhuthaze abantu bangene kushishino (industry) lokuvelia imiboniso bhanyabhanja emininzi khona ukuze kuzakuvuleka namathuba emisebenzi, Siyayithakazelela lento nizokuyenza apha kuba lonto inika ithuba kubantwana bethu ukuba bazibonalise intalente abanazo". USodolophu uqhube esithi njengoku kuzokwenziwa lo mboniso bhanyabhanja we Tradition, uyabongoza ukuba kusetyenziswe ulwimi Iwesixhosa khona ukuze wonke ubani osezilalini awuve umyalezo ofunwa kukudluliswa ngulo mboniso, umyalezo ozokwakha lento kuthiwa lulungelwaniso Iwentlalo (Social Cohesion).



Uceba Mboxela ebulela abantu ngokuba bephume ngobuninzi babo bezokwamnkela ithuba elinjengeli.



Uluntu beluphume ngobuninzi balo luze kuchongelwa lomboniso bhanyabhanja

# Ulutsha Lwase Xhorha Lubonisa Uthando Kumdlalo Webhola

Umbhali: N.Sompethe

Ngomhla wesibhozo kwinyanga yeNkanga kulo umiyo, umasipala wase Mbhashe ebambisene nesigqeba solutsha iSouth African Youth Council (iSAYC) ngamafutshane, bebebambe ukhuphiswano IweTumente phakathi kwamaqela ebhola ekhatywayo kwakunye neyomnyazi kumaqela ase Xhorha kwa wadi 19. LeTumente ibibanjelwe kumabala ebhola eMpame. Alishumi elinesithandathu amaqela ebhola ekhatywayo athe athabatha inxaxheba kolukhuphiswano ngelixa ebemahlanu kwibhola yomnyazi.

LeTumente ithabathe iintsuku ezimbini, ukuqala ngomhla wesibhozo

kweyeNkanga ngoMgqibelo ukuyokuma ngomhla wethoba kweyeNkanga ngeCawe, nalapho umdlalo wamanqamu uye wabanjwa ngeCawe. Kumaqela alishumi elinesithandathu aye athabatha inxaxheba kolukhuphiswano, kwicandelo lebhola kuye kwaphumelela iqela i-7Attackers Football Club eliye lazintshatsheli, ze kumaqela amahlanu kwibhola yomnyazi kwaphumelela iqela iManzibomvu Netball Club.

Injongo yaleTumente ibikukukhuthaza ulutsha ukuba luhlukane nokusebenzisa iziyobisi, ukupuhhlisa izakhono zabo kumdlalowebhola nokubalube ngabantu abangumzekelo nakwisisukulwana esisakhulayo.

Umnu Bob Tshetu ophuma kwisigqeba solutsha iSouth African Youth Council (SAYC), ekhuthaza ulutsha IwaseXhorha uye wathi, iSAYC liqumrhu elingumlomo wabantu abatsha, eliye lathi libathetholele kwiindawo apho abantu abatsha abafuna ukuzibandakanya kuzo, ingakumbi xa umntu omtsha efuna uncedo kumasebe karhulumente. UMnu Tshetu uphinde wacacisa ukuba beleli qumrhu basebenzisana kakuhle kakhulu nomasipala wase Mbhashe ekuzameni ukusa iinkonzo kulutsha Iwase Mbhashe.

Usodolophu kamaspala wase Mbhashe uCeba Janda ekhuthaza ulutsha IwaseXhorha uthe bengumasipala banenkubo ezinintsi abanazo kwamasipala eziye zixhase abantu abatsha, umzekelo xa abantu abatsha bengabalimi, bayakwazi ukuya kwamasipala bayokucela uncedo ngokuthi umasipala ubaxhase ngezithole, izixhobo zokulima maxa wambi ade abancedise nasekufumaneni umhlaba wokulima. USodolophu uphinde wathi bengumasipala bayavuya xa kukho abantu abatsha abanezinto abazenzelayo bengajonganga kudululwa ngurhulumente, koko baye bacele xabefuna ukuxhaswa kwizinto



Iqela iManzibomvu Netball Club likunye ne7-Attackers Football Club

Ukusuka ngase khohlo: UMnu Tshetu ophuma kwisigqeba se SAYC, USodolophu kamaspala wase Mbhashe uCeba Janda, uCeba Banjwa, uSomlomo webhunga uCeba Majavu, uSotswebhu weBhunga uCeba Sibingbingi kwakunye noCeba Micotsho bekunye neqela iManzibomvu Netball Club.





Unkosi uNosintu Gwebindlala

Ngomhla wamashumi amabini anesithandathu umasipala wase Mbhashe ebambisene namasebe karhulumente ebeqaphela iintsuku ezilishumi elinesithandathu, kukhalinyelwa nokuxhatshazwa kwabasetyhini nabantwana. Oku bekusenzeka kwa wadi 32 eXhorha, neiyeyona wadi kugqubileyo ukuhelegwa kwabasetyhini.



Uceba Genyane exhagwe ngamalungu eWomens Caucus  
yaseMbhashe belyite amakhandlela



Women's Caucus

## VISION

"A municipality that excels in promoting social cohesion, stimulates economic growth and sustainable development".



## MISSION

By becoming an effective and efficient municipality with accountable leadership that is able to involve communities in the provision of quality services.

These birds of prey are indigenous to the Dutywa district, especially at a place known as Sundwane. Their patience in stalking and sheer endurance make them a source of inspiration that symbolises the municipality. Their instinct as an agent of cleanliness in the food chain is aligned to the anti-litter and environmental care of the municipality

The shield symbolizes the Municipal amour of protection and fighting spirit in going into battle in the face of any challenges.

The Crown: It depicts the royal symbol of victory over adversity and the unity in spirit of the people of Mbhashe.

The Bull: The sign of the royal seal of the AMABOMVANA. This special breed is known as BOLOWANA and is associated with the Bomvana chieftaincy at Elliotdale.

The Mbhashe Municipality was constituted in terms of the Municipal Structures Act. No. 117 of 1998 (as amended) and comprises the areas that previously formed the Elliotdale, Willowvale and Dutywa TLCs and TRCs. The Municipality is located in the North Eastern part of the Amatole District Municipalities area of jurisdiction. The main administrative office of the Municipality is situated in Dutywa.

Maize: Symbolises the potential of the land and the area to be the food pantry of the region. Crown: It promotes rehabilitation of the productive days of the past and a return to the land as one of the strongest prospects of a vibrant economy.

Aloe: Depiction of a hardy plant which adapts to the dryness of the region. The Municipality can also turn the apparent bareness into an oasis of Industrial activity that can exploit the backward and forward linkages of agricultural produce.

Blue background: Symbolizes the tranquility and peacefulness of the sea and its potential for tourist infrastructural investment, that can bring a harvest to the richest economic activity in the world.

## CONTACT US:

Tel: +27 47 489 5800 | Fax: +27 47 489 1137 | info@mbashemun.gov.za  
www.mbashemun.gov.za | mbashelocalmunicipality